

# Electric Power Corporation

## FAAMATALAGA FAALAUAIATELE

*"The power of a nation"*

### FAASILASILA TAUUA

Aso Toonai, 1 Mati, 2025

#### **Nofo Sauniuni ole tatou atunuu, ona ole maaleale ma le femoumoua'i ole auaunaga tau Eletise**

E faatalofa ma faafeiloai atu ile tatou atunuu Samoa i lenei vaitau ole femoumoua'i ai o le tatou auaunaga tau eletise mo le motu o Upolu.

E pei ona silafia, ma o loo matauina lava foi i le tele o taimi, le faaletonu ai ole eletise mo le tatou motu o Upolu.

Ua lagonaina ma faamauina foi e le tatou matagaluega lo outou to'atamai ma le faasea. E faasilasila atu ma le agaga maualalo i lo tatou atunuu, e le māmā i le tatou faalapotopotoga lo outou leo faailo ma le finagalo faaalia; aua o le auaunaga lenei, e mo le tatou atunuu lautele.

O lea, e ao lava ona faalauiroa i soo se taimi lava, le faagasoaina o tatou galuega fesoasoani oloo galulue iai le matagaluega, ina ia fo'ia ise taimi lata mai, le tulaga ma'ale'ale ole tatou auaunaga o loo iai nei.

Mo le silafia ele atunuu, ona ole femoumoua'i ma le ma'ale'ale ole faasoasoaina ole tatou eletise mafua mai i faaletonu tau i tatou laina eletise malolosi ma galuega faaleleia mai fale afi, e mafua ai ona tele na motusia muamua atu ai lava laina malolosi e tele le manaoga tau eletise o loo taatia ai poo faasoaina atu ai. Lea e tele na silasila mai ai o loo aafia atu i afiafi le tatou South Coast Feeder ma le West Coast Feeder.

O le tele o taimi e ono tulai mai ai vaega nei, ole taimi e maualuga ai le manaoga tau eletise (poo peak hours) mai le 6 AM ile taeao agai atu ile 11 AM, ma le 6 PM ile afiafi e agai atu ile 11pm ile po. E le gata I lea, ae a faasolosolo lava ina maualuga atu le manaoga moomia i afiafi taitasi, e ono aafia uma atu ai ma le tele o isi tatou laina tele malolosi e aofia ai le Industrial ma le Lefaga Feeder, ma isi tatou laina eletise malolosi pe a le gafatia lava le manaoga tau eletise i ia taimi.

O le taimi nei, mo le silafia, e le'i lelei atoatoa lava le tatou auaunaga, ma ua avea ma tulaga e faapena ona toe tapa ai le tatou Faalapotopotoga ile tatou auaunaga faaleoleo mai Tanugamanono, aua le taumafaiga ole eletise faasoasoaina atu ile atunuu lautele. O le taimi nei:

- o loo faaaauina lava galuega faaleleia i tatou afi eletise i **Fiaga** e mataitū ina ai le sologa manuia, o le faaaogaina mai i taimi nei ole femoumoua'i ai ole tatou eletise.



# Electric Power Corporation

## FAAMATALAGA FAALAUAIATELE

*"The power of a nation"*

- o galuega "toe faaleleia" e le mafai ona tu'ua, ona ole taumafaiga ina ia faaola vaega eseese o Upolu e ono motusia, pe a le gafatia le uta e moomia i taimi e maualuga ai le manaoga tau eletise.
- o loo faaletonu le tatou laina eletise malosi ile eleele (underground feeder), o loo fesootai atu ai le tatou faleafi autu mai Fiaga ile faleafi o loo faatonutonuina le tatou auaunaga, i Fuluasou.

E ui i faaletonu nei ole tatou eletise, e le o nofoa'i le tatou matagaluega i ona vaega eseese, ile taumafaiga o se galuega vave ma mautinoa, e fo'ia ai faafitauli o loo feagai ai ma le tatou auaunaga, ma ia siitie le auaunaga tau eletise ma le faasoasoaina atu ole eletise ma le saogalemu mo le tatou atunu lautele. E aofia ai i taumafai nei :

- **le fausiaina o le laina eletise malosi i le va o Siusega ma Fuluasou** ae tape le laina eletise ile eleele oloo faaletonu, aua galuega faaleleia pe a ma'ea ona faaola mai le laina eletise fou
- **auina mai o tatou afi eletise faaleoleo**, ae faamalolo afi eletise i Fiaga aua le galuega faaleleia, ina ia sologa lelei le toe faaolaina mai pe a maea le galuega faaleleia
- **faaleleia ma faaolaina mai** tatou afi vai eletise mai **Lalomauga ma Taelefaga**
- le naunautaiga ole tatou Faalapotopotoga mo le fa'aauauina o galuega tetele poo poloketi mo le fa'alauteleina o Malosi'aga Fa'afouina.

O lea e asu atu ai vai malu i o outou finagalo ma faamalulu atu ona o ia tulaga le maalofia. Ae matou te faailo ma le agaga maualalo, o loo taumafai atu le tatou auaunaga ile mea e gata ai, i lenei taimi ao feagai lo le tatou Faalapotopotoga ma luitau nei o le galuega, ma ole tatalo, finagalo malilie, lapapale mai, talosia mai le tatou galuega faatino, ae sei taumafai atu le tatou auaunaga i tatou galuega fesoasoani.

Faafetai,

**Faalapotopotoga Malosi Faaletise**